

VENDIM
Nr. 237, datë 17.4.2019

PËR DISA NDRYSHIME DHE SHTESA NË VENDIMIN NR. 712, DATË 31.7.2013, TË KËSHILLIT TË MINISTRAVE, “PËR PËRCAKTIMIN E PROCEDURAVE TË KONKURRIMIT PUBLIK PËR TË DREJTËN E PESHKIMIT NË UJËRAT E BRENDSHME TË REPUBLIKËS SË SHQIPËRISË”, TË NDRYSHUAR

Në mbështetje të nenit 100 të Kushtetutës, të neneve 52, pika 3, e 30, pika 7, të ligjit nr. 64/2012, “Për peshkimin”, dhe të nenit 17, të ligjit nr. 103/2016, “Për akuakulturën”, me propozimin e ministrit të Bujqësisë dhe Zhvillimit Rural, Këshilli i Ministrave

VENDOSI:

Në vendimin nr. 712, datë 31.7.2013, të Këshillit të Ministrave, të ndryshuar, bëhen këto ndryshime dhe shtesa:

1. Titulli i vendimit ndryshohet, si më poshtë vijon:

“Për përcaktimin e procedurave të konkurrimit publik për të drejtën e peshkimit në ujërat e brendshme, format e tjera të peshkimit në det, pa përdorimin e mjeteve lundruese, dhe zhvillimin e akuakulturës në sipërfaqe publike, tokësore dhe ujore”.

2. Në pikat 1; 4, shkronjat “a” e “b”; 5; 12; 13 dhe 18, pas fjalëve “... ujërat e brendshme ...” shtohen “... për format e tjera të peshkimit në det, pa përdorimin e mjeteve lundruese dhe për zhvillimin e aktivitetit të akuakulturës në sipërfaqe publike, tokësore dhe ujore ...”.

3. Në pikën 2, pas fjalëve “... të brendshme ...” shtohen “... dhe atyre detare ...”.

4. Pas pikës 5/1 shtohet pika 5/2, me përmbajtjen, si më poshtë vijon:

“5/2. Ministria e Bujqësisë dhe Zhvillimit Rural, para publikimit të konkurrimit publik për të drejtën e peshkimit në ujërat e brendshme, format e tjera të peshkimit në det, pa përdorimin e mjeteve lundruese, dhe për zhvillimin e akuakulturës në sipërfaqe publike, tokësore dhe ujore, duhet të marrë miratimin e ministrisë përgjegjëse për mjedisin, kur zona objekt konkurrimi gëzon statusin si zonë e mbrojtur.”.

5. Në pikën 6, fjalët “... ujërat e brendshme për ...” hiqen.

6. Pika 10/1 e vendimit ndryshohet, si më poshtë vijon:

“10/1. Subjektet e interesuara, që dëshirojnë të ushtrojnë veprimtarinë e peshkimit në ujërat e brendshme, për format e tjera të peshkimit në det, pa përdorimin e mjeteve lundruese, dhe për zhvillimin e akuakulturës në sipërfaqe publike, tokësore dhe ujore, duhet të pajisen me leje, e cila përfshihet në nënkategorinë “të gjitha përdorimet e tjera (peshkim në ujërat e brendshme, peshkim nga organizatat e bashkëmenaxhimit (OMP) dhe dhënien në administrim të lagunave dhe zonave të tjera ujore limitrofe”, me kodin III.5.A.2.”.

7. Në shkronjën “A”, të pikës 11, pas paragrafit “-Për ujëmbledhësit e bujqësisë” shtohen edhe :

“- Për format e tjera të peshkimit në det, pa përdorimin e mjeteve lundruese;

- Për zhvillimin e aktivitetit të akuakulturës në sipërfaqe publike, tokësore dhe ujore;”.

8. Në pikën 19, fjalët “... për të gjitha kategoritë ujore në ujërat e brendshme ...” hiqen.

Ky vendim hyn në fuqi pas botimit në Fletoren Zyrtare.

ZËVENDËSKRYEMINISTËR
Erion Braçe